

**B***Lauda de miss. pre Lunardo Pisanj. (1)*

Ai lasso lasso lasso che farò  
 Quando dilecto mio tamerò  
 Quando sera amor chio te poseda  
 Serato chiuso stricto nel mio pecto  
 Quando sera che tua beleza veda  
 Per veritade e verisimo obyecto  
 Per certo se voray yo te terò  
 E cum tuto lafecto tamerò.  
 Lafecto tuto sera stemperato  
 Liquido structo se tu me te day  
 Con gran dilecto sere vulnerato  
 Privo per zerto de penosi guay  
 Staro conficto tiego e gusterò  
 Se per tua gracia amor yo tamerò  
 Per gratia voyo e per gracia dimando  
 Ne senza gracia yo nol voyo avere  
 Per gracia priego che me punj in bando  
 De mia affection e complacere  
 Dispiaza a me e a te piacero  
 E viscerato amor si tamerò  
 Non ho casone de aver complacenza  
 Se de mi guardo amor e se mintendo  
 Perche mi vedo contra la sentenza  
 La qual con clarita va concludendo  
 O amor dolce o amor che farò  
 Sarò soluto se dio tamerò  
 Lamor asolve el bando et ogni pena  
 Frangendo speza ogni ligatura  
 Lamor he quello che in prison mi mena  
 Priva laffection mia di paura  
 Amor donqua mi day e cantero  
 Cum securta verace tamerò  
 Non temero linferno ni soa pena  
 Ma strenzerolo cum gran desiderio  
 Vedendo amor che per to gracia plena  
 Lanima e facta del to gran mistero  
 O trinita divina in te starò  
 Ligata strecta se dio tamerò  
 Starò in te e tu in mi staray  
 Riposo dolce e tranquillita sancta  
 Tignero te e tu me tigneray  
 Melodia dolce per chuy amor se canta  
 Cantico novo spesso cantero  
 Quando che te per te yo tamerò

Per te senza respecto voyo amare  
 Amor la gloria toa e lo to honore  
 Ogni altra cosa fuor de mi gitare  
 Pazo parer mi faza el to langore  
 Languendo mora e cusi viverò  
 De vita nuova se dio tamerò  
 De nuova vita viver fa y tuo sposi  
 O vita per chuy vive ognj altra cossa  
 Fano partita li delicosi  
 Dala graveza che gia ma percossa  
 Se me ne sanj forte volero  
 Com un falcon sero se yo tamerò  
 Vorìa volar si che mi departisse  
 Lassando quel che tien me in priesone  
 Tanto eridar che tuto men rapisse  
 Lamor mio dolce che non a rasone  
 Ma el me dice sapi chel farò  
 Atenderalo quando tamerò  
 Damj lamor lamor che adomando  
 Poy che lamor e de tuto casone  
 Li mey affecti tuti si te mando  
 Non far dolciato plu defensione  
 Faci prisone e dio te rignero  
 Sara mio servo e dio si tamerò  
 Servo seray e signor dognj cossa  
 Toray le chiave sempre in toa bailia  
 Gia non fo facta may si nova cossa  
 Ne la terena e civil signoria  
 Grande corona i questo portero  
 Se per prixone dio tamerò  
 Amero el mio prison che me se dato  
 Et in prison starò la nocte e dia  
 Non farò question ni altro pacto  
 Se tuto avesse tuto lasseria  
 Corte sbandita sempre tignero  
 Or su dilecto or su chio tamerò  
 Or su dilecto or su dilecto caro  
 Piazzate sovegnir al mio bisogno  
 Orsu benigno e dolce letuario  
 Senza te amo et sempre vivo in sogno  
 Se tu nol fay tanto plangero  
 Chel se vedra se dio tamerò

(1) Dal Codice di Apostolo Zeno num. 424, oggi Marciano, classe IX num. CCXLIV pagina 88.